

Lithuto tse Ling Tichereng e Kholo



SABATHA THAPAMA

Bakeng sa Thuto ea Beke ena Bala:

Gen. 3:1–11, Baro. 5:11–19, Gen. 28:10–17, Johanne1:1–14, Matt. 15:21–28, Mareka 10:46–52.

Temana ea Khopolo:

“Jesu a re ho sona: e-ea, tumelo ea hau e u pholositse. Sa bona hang sa ba sa latela Jesu tseleng” (Mareka10:52).

Ke mang hara rona ea e-so ka utloa a itšoabetse? Ke mang hara rona ea e-so etse ntho eo a soabelang ho nahana ka eona, eo re nyarohang ha re nahana hore ba bang ba tlhoa ba tseba a tsona? Khonahalo e kholo ea hore boholo ba rona re bile moo, ha ho joalo?

Joale nahana, ho ne ho le joang ho ba Adama le Eva kamora ho ja tholoana ea sefate seo ho itsoeng ba se ja. Kapa ha Jakobo a qeta ho thetsa ntata’e hore a khethe eena ho e-na le abutia’e ebe kamora moo o tlameha ho baleha khalefo ea abutia’e. U robetse joang bosiu? Nahana u se u le mosali ea tšoeroeng a feba, “hahaha” (Johanne8:4). Davida o bile moo, le eena, ’me Pesaleme ea 32 ke kamoo a hlalolang hore na ho ne ho le joang.

Ehlile, leo ke lebaka le leng le etsang hore evangeli ea Kreste e be ea ka lefatše lohle le lefu la Kreste e bile la batho bohle. Ho sa khathalehe hore na re fapane ha kae, ruri re tlamahangoa ke ntho e le ’ngoe: bohle re baetsalibe.

Ka hona, thuto ea Bokreste e tlameha ho re supisa tharollong e le ’ngoe to! Tichere ea rona e kholo.

**Ithute Thuto ea Beke ena ho lokisetsa Sabatha sa, 7 Pulungoane.*

Ho e-na le Ho Ipata

Bala Genese 3:1–11. Hobaneng Molimo a ile a botsa Adama, “U hokae na?”

Lipale tse tloaelehileng ka ho oa li nka tholoana ena e le apole. Empa sena ha se seo liteman li se chong. E n’e mpa e le “tholoana ea sefate” (Gen. 3:3). Hore na ke mofuta ofe ha se moo taba eleng teng. Hoja sefateng ho ne ho thibetsoe hobane tholoana e n’e emetse se itseng. E n’e emetse teko ea ho soahella Molimo ka thoko e be u oa phatlalatsa, “Nka ba sekala sa bophelo ba ka. Nka ba Molimo oa ka. Ke na le matla holima lentsoe la Molimo.”

’Me ehlile, ha noha e fumana Adama le Eva ho ja tholoana ea sefate, maphelo a bona a ile a tsoa seporong. ’me eaba, ha ba utloela Molimo haufi le bona, ba leka “ho ipata hara lifate tsa tšimo” (Gen. 3:8). Ho makatsa ha kaakang hore e be Molimo o ba botsa Adama “U hokae?” Kannete Molimo o ne a tseba moo a teng. Mohlomong Morena o botsitse potso ho thusa Adama le Eva ho lemoha seo ba se etsang—ho ipata—ka baka la seo ba se entseng. Ke hore, o ne a ba thusa ho bona litholoana tse mpe tsa ketso tsa ea bona.

Bala Baroma 5:11–19, moo ka makhetlo, Pauslosi a nyallanyang seo Adama a se entseng Edeneng le seo Jesu a se entseng sefapanong. See se solekela ho re bontšang malebana le kamoo Jesu a tlišeng ho tla fetola se entsoeng ke Adama?

Motho a ka etsa Khang hore leano la topollo ke kamoo Molimo a arabelang karabo ea Adama le Eva ka eona. Ba ne ba ipatetse Molimo ka lebaka la litlhong le molato oa bona oa sebe, ’me Molimo o tšile ho ba pholosa. Ka tsela tsa rona, le rona, re entse joalo, ’me Jesu o tšile ho re pholosa. Ke ka hona ho botsoang potso “u hokae?” e ka botso uena le ’na. Ke hore, u hokae sebeng le lihlon’g, likamanong le Jesu, le seo a se entseng ho u kholla sebeng?

Nthong tsena tsohle tseo e bang thuto ea Bokreste e li fupere, hobaneng e tlame ho kenyeletsa, e be e toboketse, taba ea hore tlhaho ea rona e rata ho ipatela Molimo, e be e re supisa ho Jesu e le tharollo?

Palehong

Bala Genese 28:10–17. Maemo a pale ee ke afe, 'me e ruta'ng ka mohau oa Molimo ho bao, re ka reng ba balehile libeng tsa bona?

H'a sebetsana le lelapa kaofela, ka thuso ea 'm'ae, Jakobo o ile a oela thetsong e mpe, joale o lefela taba eo. Moholoane oa hae o batla ho 'molaea, joale o fetohile mophaphathehi, a leba Harane ha maloma'e. Sohle ha sea tsitsa, sea tšosa.

Ka tsatsi le leng Jakobo o tsamaea lefifing la bosiu. Ha' tsebe moo a teng, o na le leholimo feela e le marulelo a hae. O fumana lejoe ho etsa mosamo, o oa khaleha. Empa boroko ba hae bo phakisa ho kenoa hare. Toro e tummeng e ea fihla leri, litepisi tsa eona eo a bonang e hlonngoe lefatšeng, e fihla leholimong. Manyeloi a nyolosa a theosa holima eona.

Joale o utloa lentsoe le re, “Ke 'Na Jehova, Molimo oa Aborahama.” Lentsoe le tsoelapele ho pheta litšepiso tseo Jakobo a li tsebang hantle ho tsoa lipaleng tsa ka lapeng. Litloholo tsa hau li tla ba matla. E tla ba tlhohonolofatsovmalapeng ohle a lefatšeng. “‘Tseba hore ke na le uena,’” lentsoe lena la tsoela pele, “‘M'e ke tla u sireletsa hohle moo u eang, . . . ha nka ke kaa u tlohela ho fihlela ke phethile litšepiso tsohle tsa ka ho uena” (Gen. 28:15).

Ellen G. White o ngotse ka kamoo Paulosi, moraonyana ho moo, “a bonang leri ea pono ea Jakobo, e emetseng Kreste, ea kopantseng leholimo le lefatše, le batho ba felang le Molimo oa ka ho sa feleng, tumelo ea e ea hola h'a hopola ka kamoo baporofeta le bapateriareka ba itšetlehileng ho eo eleng motšehetsi le mokhothatsi oa hae, eleng eena eo a faneng ka bophelo ba hae ho eena.”—*Liketso Tsa Baapostola*, leq. 512.

Jakobo oa tsoha, 'me o buoa a le mong: “ ‘Ruri Jehova o teng sebakeng sena, ke ne ke sa tsebe’ ” (Gen. 28:16). Se etsahalang mona sea “babatseha.” A ke ke a lebala sebaka sena lekhale, o se fa lebitso. Joale o etsa kano ea bophelo bohle ba hae ho Molimo.

Ke sefe seo re ka ithutang sona paleng ee, malebana le kamoo Molimo, ka Kreste, a sebeletsang ho re fumana ho sa khathalehe libe tsa rona? Hape, ke hobaneng thuto ea Bokreste e tlameha ho beha motheo kapele-pele ho seo e se rutang?

Rabbi Jesu

Ha hona qalo ea khaolo ea Bibe le tummeng ho feta ena Testamenteng e Ncha: “Ilentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo” (Johanne 1:1). E be Johanne 1 e phakisa e u isa temaneng e sa lebaloe: “Lentsoe le ne le etsoe nama, ’me la aha hara rona le tletse mohau le ’nete, ’me la aha hara rona le tletse mohau le ’nete, ’me re bohile khanya e lona, e kang khanya ea Mora a ’notsi ea tsoang ho Ntate” (Johanne 1:14).

Bala Johanne 1:1–14. Litemana tsee li re Jesu e ne e le mang, o ne a etsang moo? See se lokela ho re rutang ka Jesu e le mohlala oa tichere e kholo?

Eena Molimo ea buile le Adama le Eva serapeng sa Edene, le ho Jakobo nahathote, joale o iponahatsa e le motho. Molimo o re Testamenete e Ncha e mothofalitsoe ka Jesu. Ka Jesu re ka ithuta ka thato ea Molimo le tsela ea Molimo, hobane Jesu e ne e le Molimo.

Khaolo ena e tsoela pele ho bontša kamoo Johanne Mokolobetsi e neng e le moshomaeli ea matla kateng hona hoo ba bang ba baetapele ba Jerusalema ba ileng ba belaela hore e ka nna eaba ke motho ea khetheleng. Empa o ne a lokisa tsela bakeng sa ea bohlokoa ho mo feta. Ea neng a ikhethile ka mokhoa o makatsang o ne a le monyako, eo eena, Johanne a sa lokelang le ho “lokolla leqhoele la seeta sa hae” (Johanne 1:27).

Tsatsing le hlhlangamang a bona Jesu eaba o oa hooa hore ke “Mora oa Molimo.” Mohlang oo, le letsatsi kamora moo, o ile a bitsa Jesu “Konyana ea Molimo.”

Hape, ba babeli ba barutuo ba Johanne Mokolobetsi ba ile ba latela Jesu. Ha Jesu a ba botsa hore na ba batl’ang, ba ’mitsa “ ‘Rabi’ (e bolelang Tichere)” (Johanne 1:38).

Ka hona, Jesu ke Rabi, tichere, empa ha ho e-so ka ho e ba le tichere ea motho e tšoanang le eena, hobane, hape, ke Molimo. Ka mantsoe a mang, Molimo o tlele bathong ka sepopeho sa motho, ’me ka sepoeo seo, o sebelitse e le rabi, tichere. Ha ho makatse hore e be Ellen White o itse Jesu ke “tichere e kholo ho feta tsohle tse bileng teng lefatšeng.” —*Signs of the Times*, June 10, 1886. Kamora tsohle, Tichere ena e ne e le Molimo.

Ha u sheba seo Jesu a neng a le sona, hobaneng ho utloahala hore re tlameha ho ithuta ho eena, mekhoha e metle-tle ea ho ruta linnetse tsa semoea? Ke sefe seo re ka ithutang sona ho Jes mabapi le hore ha se seo re buaoang feela sa bohlokoa bakeng sa ho ruta, empa le seo re se etsang?

Mosali o oa Araba

Jesu ke Tichere e kholo. Semelo sa 'nete sa Molimo se phatsima lithutong tsa hae, le bophelong ba hae. Ka hona, pale e 'ngoe ea evangeli e ntle hona hoo ho bontšeng ha motho a buoa, Jesu O aa mo mamela.

Bala pale ea Jesu moo a buoang le Molichaba (kapa mosali oa “Mokanana”) oa Tire le Sidone (Matt. 15:21–28, Mareka7:24–30). Ela hloko hore banna ba tsamaeang le Jesu b'a tencha ke ena, ebile e kare le Jesu o oa mo leleka. U kareng ka sebete sa mosali eo? See se re bolellang malebana le kamoo Jesu a rutileng ba bang?

Jesu o ne a le haufi le Tire le Sidone. O ne a kene tikolohong eo ho nang le batho ba bangata ba balichaba, ho bile ho e na le lehloeo la merabe. Baahi ba motse ona ba buoang Segerike ba ne ba eisa lihoai tsa Bajude, bao le bona ba neng ba eisa Bagerike.

Nakonyana pele ho moo, Heroda, popae ea 'musisi oa Galelea, habo Jesu, o ne a fenethile Johanne Mokolobetsi. Empa Johanne e ne e le monna eo Jesu a neng a tšehetsa pono ea hae ka botlalo, 'me polao ea hae ea bonahala e le bokhopo bo boholo. Jesu O ne a qaleletse ho tobana le kotsi ea thomo ea hae patla-nchocho.

Ka ho utloa boima bona, Jesu a kena ka tlung, a tšepa hore, joalokaha Mareka a e cho, ho se be motho ea tsebang hore o ka moo (Mareka7:24). Empa mosali a mo fumana. Meetlong ea nako le sebaka seo, mosali o ne a se na tokelo ea ho ipuelella. Se sehoho ho feta, mosali enoa e ne e le karolo ea sechaba seo Bajude ba neng ba se khesa, eleng se neng se 'meha tlokotsing ho feta.

Empa morali oa mosali enoa o ne a kula. O ne a batla thuso, 'me o ile a phehella ho e kopa. Jesu o ile a moleleka. “ ‘Ha ho hotle ho amoha bana bohobe o bo akhella lintjanyana,’ ” a rialo (Matt. 15:26). Mantsoe ana a ne a tlameha ho utloisa bohloko. Eaba ho etsahala ntho'e 'ngoe e makatsang. A arabela. O ne a tseba lintja, ho fapana le Bajude, ba neng ba keke ba li ruoa, a re: “ ‘E, Morena, empa le tsona lintjanyana li ee li thole makumane a oelang tafoleng ea beng ba tsona’ ” (Matt. 15:27). Karabo ea hae e tlisa phapang. E bonahala e susumetsa. 'Me Jesu o folisa ngoan'a hae.

“A ho etsoe ho uena kamoo u ratang kateng” (Matt. 15:28). Re utloisisa mantsoe aa joang? Re arabela joang, leha linto li sa etsahale kamoo re batlang kateng?

Morutoana ea Utloisisang

Jesu le barutoana ba ne ba lebile Jerusalema. Kaha Heroda e sale a khathatsehile ka Johanne Mokolobetsi, ba boholong, ho kenyeletsa le Heroda, joale ba ne ba khathatsehile ka Jesu. Balateli ba hae ba ne ba kenyeletsa mafutsana le batho ba bang ba tlokotsing ba ipatlelang phetoho feela. Ho feta eng kapa eng, Jesu o ne a batla ho tliša tšepo lefatšeng. Empa o ne a kholisehile hore ba nang le matla, ba tla etsa sohle se matleng a bona ho thibela thomo eo. Ba ne ba sa batle h'a atleha. Haele sehlotšoana se haufi-ufi sa barutoana Jesu, barutuoana ba leshome le metso e 'meli, ba ne ba bonahala ba thabela ho ba pela Jesu. Empa leha ho le joalo, ba ne ba bonahala ba hloletsoe—kapa ba foufetse. Mohlala, ho Mareka 8:31–33, Tichere e kholo e qholotsa barutoana ba eona ho bona lintho tseo ho leng thata ho bona. Ke hore, ba ne ntse ba foufetse hona hoo semoeeng ho ka bona ntho tse bohlokoa (see Mareka8:37). Tsena tsohle ke leseli leo re hlokang ho le tseba ka ea bonang e le ka 'nete.

Bala pale ea Jesu ha a folisa Baritimea, mokopa-kopa oa sefofu. (Sheba Mareka10:46–52.) hlokomela mohau o moholo o bontšoang ke Jesu. Joale bona kamoo takatso ea monna oa sefofu ea ho bona e isang qetong ea hae ea ho latela Jesu tseleng, kapa 'mileng o eang Jerusalema. U nahana mohlomong Mareka o bapisa Baritimea le barutuoana ba bang? Pale e fana ka leseli joang ho uena ka se boleloang ho uena ka ho amohela Tichere e kholo ka tseo?

Baritimea o ne a batla ho bona qola ea moriri oa ngoana le 'mala oa koro ha ho kotuloa. Empa o bona ha se feela ho bona tse bonoang ka mahlo feela. Ka mantsoe a mang pale ena, e malebana le ho bona semoeeng. E malebana le ho utloisisa hantle—ho utloisisa seo Tichere e kholo e felang e le sona. Ho bona ka mahlo ke ntho'e 'ngoe. Ke ntho ea bohlokoa, Jesu o tseba sena. Empa Jesu o boetse o oa tseba hore taba-tabelo e tebileng ea motho e mong le e mong ke bophelo bo bocha, bo betere.

Bala Baheberu 5:12–14. See se rutang ka thuto ea 'nete?

Tsepamisa Maikutlo:

Bala Ellen G. White, “The Test of Discipleship,” maq. 57–65, ho Katamelo ho Kreste. Ellen White o re bolella hore (hara ntho tse ling) ha re feela re arabela Tichere e kholo, “Re tsetselela ho ba le setšoantšo sa hae, ho hema moea oa hae, ho etsa thato ea hae, le ho mo thabisa nthong tsohle” (Katamelo ho Kreste, leq. 58). Ha re e-na le Jesu Kreste, mosebetsi, o re, “e ba thabo” (Katamelo ho Kreste, leq. 59). Joale, ho tso ka Bibeleng, sheba Mattheu 5–7. Mona re na le thuto ea thabeng, e ’ngoe ea kakaresto tse kholo tsa seo Tichere e kholo e neng e batla barutoana ba eona ba se tsebe, le molaetsa oa mantlha oa ’muso oo a tlleng ho o theha.

Lipotso tsa Lipuisano:

1. Joalokaha Molimo a buile le Adama le Eva, le Jakobo, Jesu le eena o buoa le rona. E ba karolo ea litaba-tabelo tsa rona tse tebileng, ’me o oa re makatsa (joalokaha a makalitse Baritimea) hore re nahane habeli hore na re bo mang re ea kae. Leseling lena, nahana ka kamoo re rutang bana ba rona le batho Bibe le ka teng. Phapang ea thuto ea Bibe le e morometsi le e thokolang motho maikutlo?
2. Na taba ea hore na u hokae leetong la bophelo e fela e le ea hau u le mong, kapa ho ka thusa ho buisana ka see le batho bao u felang u ba tšepa? Taba ea kereke e le “mele oa Kreste” (1 Bakor.12:27) ke joang ho bontša hore ho buisana le ba bang e kaba e ’ngoe ea tsela tsa ho tseba seo Jesu a batlang hore u se tsebe?
3. Labone re ithutile hore Baritimea hang ha Baritimea a bona—hang h’a qeta ho pholosofoa bofofung ba hae ba mahlo (le ba semoea)—o ile a latela Jesu tseleng e eang Jerusalema. Tseleng ena, tsatsi le leng le leng, o ile a utloa bohlae ba Tichere e kholo. Joale, re ka nahana hore, o ne a batla ho ba le setšoantšo sa Jesu, ho hema moea oa hae, le ho etsa thato ea hae. Hobaneng motho a ka “natefeloa,” ho ea kamoo Katamelo ho Kreste e e-behang kateng, ha a latela boemo bo behiloeng ke Jesu thutong ea thabeng?
4. Nahanisisa ka potso e qetellong ea thuto ea Labone. Re ithuta ho hlalohanya botle ho bobele joang? Re hlalosa se setle le se sebe joang? ’Me ke joang, seo re etsang ka tsebo eo, mohlomong se bileng se le bohlokoa ho feta tsebo eo?